

Zeitschrift: Akzent : Magazin für Kultur und Gesellschaft
Herausgeber: Pro Senectute Basel-Stadt
Band: - (1998)
Heft: 3

Artikel: "Velggerschauh" im Zolli
Autor: Miville-Seiler, Carl
DOI: <https://doi.org/10.5169/seals-843437>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 31.03.2025


ETH-Bibliothek Zürich, E-Periodica, <https://www.e-periodica.ch>

«Velggerschau» im Zolli

Wär ka sich hit no vorstelle, ass men in Zolli goot, nit numme zem Dier bschau, nai, au Gruppe vo Mentschen uus fäärne Länder?

Elteri Lyt meege sich no draa bsinne, wi uff dr groosse Matten im Zolli Hyysli, Hitten und Stääl uffbaut gsi sinn, wo sich bruuni und schwaarzi Lyt drumumme bewegt hänn. Mängmool hänn si Dier uus iirer Haimet mitbrocht, vylmool hänn si au Muusig und Dänz botte, Handaarbeite verkauft – und bättlet. Drumummen isch e Haag gsi, und um däa Haag ummen isch s Publikum gstanden und het gstuunt. Men isch sälli Zyt noonig esoo graist wie hit, und Fäärnsee het s au nit gää. Soo hänn aim soonigi Velggerschau d Illusion vermittelt, me gsäch eppis vo dr Wält.

Syt de Sibzgerjor vom voorige Joorhundert und bis vor epepe sächzig Joor sinn die Velggerschau groossi Moode gsi, bsunders syt dr Hamburger Dierhändler Carl Hagenbeck in s Geschäft yygstiigen isch. E Geschäft isch s nämmlig gsi: fir d Veraastalter, wo Yygebooreni uus Afrika, Aasie, Australien und Amerika no Europa brocht hänn, und fir die Zoologische Gäärte. Me het drglyyche doo, me well de Lyt z Europa ethnoloogischi Kenntnis vermittele, aber dasch zem Dail e Bschiiss gsi. Die «Uusgestellte»



ZOOLOGISCHER GARTEN BASEL

1. JULI - 15. SEPTEMBER

NEGERDORF AUS DEM SENEGAL

HUNDERT EINGEBORENE, MÄNNER FRAUEN & KINDER *Cherel*

UNUNTERBROCHEN GEÖFFNET VON 8 BIS 7 UHR

R. LABASQUE. Etudes et Travaux de A. Bricard. SARL STRASBOURG

hänn sich vylmool nit soo derfe zaige, wie s deheim dr Bruuch gsi isch, nai vylmee soo, wie s vom Publikum erwartet worden isch: wild, drägig, griegerisch und eppenemool au e bitz erotisch. Hejoo, wo het me sälli Zyt sunscht naimen e blutti Frae-bruscht gsee?

Im Baasler Zolli sinn zwische 1879 und 1935 21 Velggerschau zaigt worde: die letschte 1932 (Lippenägere) und 1935 (Marokkaner). Alles in allem sinn si e Symptom gsi fir dr kolonialistich Iiberlääge-

haitswaan vo vyylen Europäer. Wär mee driiber wisse will, bsorgt sich d Lizentiatsarbeit vom Balz Stäächeli (Stahelin, 1993) «Völkerschauen im Zoologischen Garten Basel».

Carl Miville-Seiler